

Amdanom ni

Ein gweledigaeth yw gwerthfawrogi a gofalu am dreftadaeth a'i chynnal ar gyfer pawb, nawr ac yn y dyfodol.

Rydym wedi ymgorffori cynnwys o YouTube yma. Gan y gall YouTube gasglu data personol ac olrhain eich ymddygiad gwyllo, dim ond ar ôl i chi gydsynio i'w defnydd o gwcis a thechnolegau tebyg fel y disgrifir yn eu [polisi preifatrwydd](#) y byddwn yn llwytho'r fideo. Byddwn hefyd yn gosod cwci i gofio eich dewis.

[Caniatáu cynnwys o YouTube](#)

Pwy ydym ni a beth ydym ni'n ei wneud

Ni yw ariannwr mwyaf treftadaeth y DU Credwn mewn nerth treftadaeth i danio'r dychymyg, cynnig llawenydd ac ysbrydoliaeth, ac i ennyn balchder mewn lle a chysylltiad â'r gorffennol.

Rydym yn buddsoddi arian a godir gan chwaraewyr y Loteri Genedlaethol ar draws y DU, mewn cydweithrediad ag ystod eang o gyrff statudol, yn ogystal â dosbarthwyr eraill y Loteri Genedlaethol. Mae ein gwaith yn bosib diolch i gefnogaeth chwaraewyr y Loteri Genedlaethol.

- Fel Cronfa Treftadaeth y Loteri Genedlaethol, rydym yn dosbarthu grantiau'r Loteri Genedlaethol rhwng £10,000 a £10 miliwn a mwy, gan ariannu prosiectau sy'n cynnal a thrawsnewid treftadaeth y DU.
- Fel y Gronfa Treftadaeth, rydym yn dosbarthu ariannu ar ran llywodraeth y DU a'r llywodraethau datganoledig i sefydliadau treftadaeth.
- Rydym yn darparu arweinyddiaeth a chefnogaeth ar draws y sector treftadaeth, ac yn eirioli dros werth treftadaeth.

Ers i ni gael ein sefydlu ym 1994, rydym wedi dyfarnu dros £9.1biliwn o arian y Loteri Genedlaethol a chyllid arall i fwy na 52,000 o brosiectau ar draws y Deyrnas Unedig.

Gall treftadaeth fod yn unrhyw beth o'r gorffennol yr ydych chi'n ei werthfawrogi ac eisiau ei drosglwyddo i genedlaethau'r dyfodol. Mae deall, gwerthfawrogi a rhannu ein treftadaeth yn dod â phobl at ei gilydd, yn ysbrydoli balchder mewn cymunedau ac yn rhoi hwb i fuddsoddiad mewn economïau lleol.

[Cael gwybod sut i wneud cais am ariannu](#)

Arian y Loteri Genedlaethol

Gyda phob tocyn sy'n cael ei brynu, mae chwaraewyr y Loteri Genedlaethol yn codi arian ar gyfer achosion da. Rydym yn un o'r 12 corff sy'n dosbarthu'r arian hwn.

Rydym yn dyfarnu 20% o'r incwm Achosion Da a godir gan chwaraewyr y Loteri Genedlaethol.

Ers 1994, mae'r Loteri Genedlaethol wedi codi mwy na £48biliwn ar gyfer achosion da.

Sefydliad

Rydym yn gorff cyhoeddus anadrannol sy'n atebol i Senedd y DU drwy'r Adran dros Ddiwylliant, y Cyfryngau a Chwaraeon (DCMS).

Mae ein penderfyniadau am geisiadau a pholisïau unigol yn gwbl annibynnol o lywodraeth.

Ymddiriedolwyr Cronfa Goffa'r Dreftadaeth Genedlaethol yw ein corff cyfreithiol ar gyfer gweinyddu a goruchwyllo'r holl arian a freinir ynom. Fe'i sefydlwyd gan y Ddeddf Treftadaeth Genedlaethol i weinyddu Cronfa Goffa'r Dreftadaeth Genedlaethol.

[Cronfa Goffa'r Dreftadaeth Genedlaethol](#) yw ein chwaer sefydliad. Mae'n dosbarthu cymorth grant/cyllid gan lywodraeth i dreftadaeth y DU sydd mewn perygl o gael ei cholli.

Mwy o wybodaeth

[Rydym wedi cyhoeddi'r cynllun cyflwyno tair blynedd cyntaf](#) ar gyfer ein strategaeth 10 mlynedd newydd, [Treftadaeth 2033](#). Mae'n cynnwys manylion ein cyllidebau a'n blaenoriaethau, a'n Grantiau Treftadaeth y Loteri Genedlaethol.

[Treftadaeth 2033 – ein strategaeth 10 mlynedd](#)

[Ein pobl](#)

[Penderfyniadau](#)

Mewnwelediad – Ymchwil a gwerthuso

Tryloywder a chaffael

Cydraddoldeb, amrywiaeth a chynhwysiant

Swyddi a chyfleoedd

[Cysylltwch â ni](#)